



Inatsisartunut ilaasortaq
Kim Kielsen
Siumut

§36 tunngavigalugu apeqqummut nr. 2010-8-mut Paamiuni Naalagangorniat Ilinniarfia pillugu akissut

Asasara Kim Kielsen

Naalakkersuisut Paamiuni Naalagangorniat Ilinniarfiata atorunnaarsinneqarnissaa pillugu apeqquteqaatinnut qujapput.

Matumuuna Naalakkersuisut sinnerlugit matuma ataani apeqquteqaatigisatit akissuteqaateqarfigissavakka. Sapinngisamik apeqquteqaatit ataasiakkaarlugit akissuteqaateqarfigineqassapput.

1. Ilumoorpa Skipperskoli Paamiuniittoq Naalakkersuisunit matunialersarneqartoq ilinniartukinnera pissutigalugu, taamaalillunilu 2 – 3 mio. kr. sipaarniarneqarlutik?

Akissuteqaat:

Ukiuni kingullerni naalagangorniat ilinniarsiannut qinnuteqartartut tassanilu naammassisartut ikiliartupiloorsimapput. Taamaattumillu Naalakkersuisut aningaasanut inatsisissap siullermeerneranut atatillugu Paamiuni Naalagangorniat Ilinniarfiata matuneqarnissaa siunnersuutigaat makkunanga piviusunik tunngaveqartumik:

2009-mi naalagangorniat 3. grad-it pingasut ilinniarniarlutik qinnuteqarput. Ukiunilu kingullerni pingasuni Imarsiornermi ilinniarifik 1. grad-imi naalagangorniartunik ilinniartoqarsimangilaq. 1. grad-imut ilinniarniartut ikittunnguit Danmarkimi naalagangorniat ilinniarsiinut ingerlatinneqassasut Imarsiornermi ilinniarsiup innersuutigisimavaa. Taa-maattumillu ullumikkut kalaallit 1 – 2 Danmarkimi 1. grad-imi naalagangorniartut ilinniartut.

Ukiuni qaangiuttuni Nuummi Paamiunilu 1. grad-imi aammalu 3. grad-imi naalagangorniartut naammassisartut imatut amerlassuseqartut ilisimatsissutigisinnaavarput:

Nuuk: 1988: naammassisut 47
1992: naammassisut 30
1996: naammassisut 21

Paamiut: 1997: naammassisut 11 soraarummeeqqittut 2
1999: naammassisut 10 soraarummeeqqittut 4
2002: naammassisut 5

21. januar 2010
Sagsnr. 2010-024961
Dok. Nr. 295731

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiin@gh.gl
www.nanoq.gl

2008: naammassisut 6 soraarummeeqittut 5

Kisitsisit taakkua takutippaat naalagangorniarlutik ilinniartut naammissisartut anner-tuumik ikiliartorsimasut, tassa ilinniarsiup Nuummiinnerata nalaani kiisalu Paamiunut nuunnerata kingornatigut.

Taamaattumillu naammissisartut ikileriarujussuarsimanagerat ilinniarsiup Paamiunut nuuneqarneranik pissuteqartoq uppersarneqarsinnaangilaq, tassami apparia-rtulerneq 1990-ikkunnili aallartereersimavoq, tassa Naalagangorniat Iliniarfiat Nuummi inissisimagallarmalli.

Pivusorli tassaavoq nunatsinni naalagangorniat ilinniarsiup ilinniartussatut akueri-neqartussat ikippallaalersimanagerat, tamannalu tunngavigalugu Naalakkersuisut ilinni-nermik ingerlatsinnarnissaat ajornarsiartuinnarsimavoq, tassa ilinniarniarlutik qinnute-qartartut toqqammaviusussat ikiliartuinnavissimmata.

Naalakkersuisulli - Paamiuni Naalagangorniat Iliniarfiata atorunnaarsinneqarnissaa sioqqullugu – ilinniarsiup allamut nuuneqarsinnaanissaanut periarfissanik kiisalu nunatsinni ilinniarsiup ingerlaannarnissaanut ilinniartut toqqammavigneqartussat amerlassusaat pillugu Aningaasaqarnermut Ataatsimiititaliap kiisalu Kultureqarnermut Ilinniartitaanermullu Ataatsimiititaliap innersuutaat maluginiarsimavaat.

Erseqqissaatigineqassaaq ataatsimiititaliat taakkua tamarmik marluullutik qulaani taagorneqartut mississuiffigineqarnissaat kissaatigaat:

- Aningaasaqarnermut Ataatsimiititaliap Paamiuni Naalagangorniat Ilinniarsiup tunngatillugu 2010-mut Aningaasatigut Inatsisissatut siunnersuutip aappassaaneerlugu suliarineqarnissaanut innersuutaat: Konto pingarneq 40.91.08 Inuutissarsiutitigut ilinniarnarup ataani ilinniarsiup

kiisalu

- Kultureqarnermut Ilinniartitaanermullu Ataatsimiititaliap Aningaasaqarnermut Ataatsimiititaliamut allakkiaa ulloq 14. november 2009-meersoq Paamiuni (ilanngussaq H): Konto pingarneq: 40.91.08 Inuutissarsiutitigut ilinniarnarup ataani ilinniarsiup.

Naalakkersuisut ataatsimiititaliat innersuutigisaat tusaatissatut tiguaat nalunaarutigissalugulu Naalagangorniarlutik Ilinniarsiup naammatunik ilinniartoqarnissap tunngavissinneqarneratigut allamut nuuneqarsinnaanissaa pillugu misissuisoqartillugu Naalagangorniat Ilinniarsiup matuneqassanngimmat.

Misissuinerit 2010-ip upernaavata ingerlanerani aallartinneqassapput. Aningaasaqarnermut Ataatsimiititaliap kiisalu Kultureqarnermut Ilinniartitaanermullu Ataatsimiititaliap suliarit ingerlanera pillugu ingerlaavartumik ilisimatinneqartassapput.

Tamatununga atatillugu Naalakkersuisut ilisimatitsissutigissavaat Paamiuni Imarsiornermik Ilinniarsiup pissutsit Danmarkimi S fartsstyrelsimut ilisimatitsissutigineqarinkuummata.

Kisiannili aammattaaq Naalackersuisut ilisimatisissutigissavaat Aningaasanut inatsissatut siunnersuutip pingajussaaneerlugu oqallisigineqarnerani tamatuma tungaatigut sipaarniutissatut siunnersuutit uterteqqinneqanngimmata, tamatumalu kingunerisaanik 2010-mut Aningaasanut inatsisissap inaarutaasumik aalajangiiffigineqarneranut atatillugu sipaarniutissat aalajangerneqarmata.

2010-mut Imarsiornermut Ilinniarfiup aningaasaliiffigineqarnerani amigaatigisat Naalackersuisut immikkut ittumik aningaasaliinikkut matussutissaannik qinnuteqarnissaq pisariaqassappat isumagissavaat, tamatumunngalu ilutigitillugu Naalackersuisut isumaqarput misissuineq ingerlatillugu Paamiuni Imarsiornermik Ilinniarfik ilinniartussanik tigusissanngikkallartoq.

Ilumoorpoq Naalaganngorniartut ilinniarfiata 1. januar 2010-mi matuneratigut sipaarutissat ukiuni siullerni marlunni, tassa 2010 aamma 2011-mi 2,9 mio.-inik annertussuseqarsimassagaluartut, kingornatigullu ukiuni tulliuttuni – 2012 aamma 2013–imi 4,3 mio. missaanut qaffassallutik.

2. Ilumoorpa skipperskolimut ilinniartunngortarumaartussat Naalackersuisunit danmarkimut innersuunneqartalerniartut?

Akissuteqaat:

Soorlu apeqquteqaammut siullermut akissuteqaammi takusinnaagissi ukiut 3-4 matuma sionratigullu Paamiuni Imarsiornermik Ilinniarfiup qinnuteqartut ikiliartornerisa kingunerisaanik 1. grad-imut qinnuteqartut Danmarkimut ingerlateqqittalerpai. Ilinniartut taakkua Danmarkimi naalaganngorniartut allat naligalugit atuarpot.

Siunissami Naalaganngorniarnermut Ilinniarfiummut qinnuteqartartussat tiguneqartassanersut Naalaganngorniartut Ilinniata Paamiut avataanni allamut inissinneqarsinnaanersoq naammattunillu ilinniartussaqaqarnersoq pillugu misissuinerup inernerata aalajangissavaa.

3. Naalackersuisut isumaqarpat sukumiisumik misissuillutillu nalilersuisimallutik tunngavilersuutit tamakkiisut eqqarsaatigalugit, ilinniartullu ikippallarnerannut pequtigittinneqartunut?

Akissuteqaat:

Sooq Paamiuni Naalaganngorniartut Ilinniarfianni ilinniarniartut taama ikitsigineqat pillugu immikkut ittumik misissuisoqanngilaq. Apeqquteqaammut siullermut akissuteqaammi allassimasooq takuneqarsinnaasooq tunngavigalugu ilinniarfiup Nuummi imaluunniit Paamiuni inissisimanera apeqqutaatinnagu ilinniartut amerlassusaat appariartuinnarsimavoq. Tamanna ilinniakkap pisariaqartinneqarnerata appariartorneranik tunngaveqarsinnaavoq.

Tamatumunngali tunngatillugu ilinniartukilliartorneq aalisariutinik nutarterinerup ingerlanneqarsimanera, aalisarnermik inuutissarsiuqarnerup pisariillisarneqarsimanera, immakkut assartuinerup pisariillisarneqarsimaneranik assigisaanillu tunngaveqartumik

naalakkanik pisariaqartitsinerup siusinnerusumut naleqqiullugu annikkiartorsimaneranik peqquteqarsinnaavoq.

Pissutsilli piviusut tassaapput Paamiuni Naalaganngorniat Ilinniarfiata ingerlatiinnarnissaanut ilinniartussat ikippallaalersimanerat.

4. Naalackersuisut isumaliutigisimanerlugu atuarfiusumut qanoq kinguneqarumaarnersoq, uani eqqarsaatigalugit allagartat atuarfiup piginnaasaannut tunngasut pillugit?

Akissuteqaat:

Paamiuni Naalaganngorniat Ilinniarfiata matunerata imaangilaq kingunerissagaa allagartat atuarfiup pigisaasa annaaneqarnerat, tassami imaasinnaavoq ilinniarfik nunatsinni Paamiut avataani inissinneqarnissaa periarfissaqalersoq.

Kisiannili Naalaganngorniat Ilinniarfiata ilinniartussaqaarani nunatsinni pilerseqqinnissaa periarfissaqangippat taava allagartanik pigisaqarneq annaaneqassaaq, takkualu sania-tigut Naalaganngorniartut Ilinniarfiata ilisimasai aamma annaaneqassapput.

Naalackersuisut tamatumunnga atatillugu ilisimatitsissutigissavaat naalakkat Paamiuni ilinniarsimasut ilinniaqqinneri allagartanillu nutarterineri Danmarkimi ingerlatinneqartasammata tassa kalaallisut nutserisulerluni.

Paamiuni Naalaganngorniarnermi Iliniarfiup atorunnaarnerata kingunerissavaa tunn-gaviusumik ilinniartitsinerit allannguuteqaratik ingerlaqqinnissaat. Tunngaviusumik ilinni-arnermi allagartat ingerlaannassapput.

5. Ilinniartitsisutut sulisut eqqarsaatigalugit susoqassanersoq qanoq Naalackersuisunit isumaliutersuuteqarfigineqarpat?

Akissuteqaat:

Maanakuugallartoq Paamiuni Naalaganngorniat Ilinniarfianni atorfiit allamik aalajangiinissap tungaanut atuutiinnarallassapput.

Naalackersuisut atorfeqartut ataasiakkat siunissaannut tunngatillugu isummissapput, tassa misissuinerup inerneriumaagassaa aallaavigalugu.

6. Naalackersuisut isumaqarpat atuarfiup matuneqarnissaanut paasissutissat pigineqartut aallaavigalugit tunngavilersuutit isumaliutersuutigineqarluarsimasut?

Akissuteqaat:

Ilinniartussanik tigusinernut kiisalu naammassinernut assigisaanullu tunngatillugu paasissutissat Naalaganngorniat Ilinniarfianut tunngatillu apeqqummi siullermi oqaatigineqareerput.

7. Ilinniarfeqarfiit allat suut Naalackersuisunit isumaliutersuutigineqarpat matuneqarnissaat immaqaluunniit illoqarfinnut allanut nuunneqarnissaat?

Akissuteqaat:

Naalackersuisut maanakkorpiaq ilinniarfiit allat nunnissaannik matunissaannillunniit pilersaaruteqanngillat.

Naalackersuisut isumaqarput Kalaallit-nunaanni ilinniarnert pitsaanerpaaffissaminiitinnissaat pingaarluinnartusariaqartoq. Ilinniarfiit ingerlalluartut ilinniartunit kajungerineqarnerusarput.

Inussiarnersumik inuulluaqqusilluta

Mimi Karlsen